



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Haereses sunt noua bella in militia Christi. Caput. XVII

urn:nbn:de:hbz:466:1-30114

salutem, mederi peccatis, & facere quæcunque eum docet ecclesiæ doctores. Nam hæretici morbos non dant, sed vulnerant sanos, augent morbos, & dant pocula mortis, ac præcepta occasionis.

Hæreses sunt tumultus in ciuitate Dei & seditiones. Cap. XVI

AET quid sunt hæreses in ecclesia, nisi tumultus & seditiones per pestilentes ac filios Belial excitatæ, quibus nisi per bonorum prudentiam & consilia obuiam itum fuerit, mox infinita mala oriuntur, ad hominum interitum, bonorum direptionem, & totius ciuitatis subuersionem. Ecclesia autem ciuitas Dei sancta est, in qua Iusticia regnat. Verum si impij hæretici sumpserint principatum, tunc gemit populus Dei. Tunc corrumpitur in plateas veritas doctrinæ euangelicæ & vitæ, & iusticia longè stat. Tunc veritas fit in obliuionem, & qui recedit à malo, prædæ patet. Tunc deridetur iustorum simplicitas, sed tabernacula prædonum abundant, & audacter Deum prouocant, cum deriderit omnia in manus eorum.

Apoc. 19.

Prou. 29.

Esaï. 59.

Iob. 12.

Hæreses sunt noua bella in militia Christi. Caput. XVII

ET quid sunt nouæ hæreses, nisi noua bella in regno Christi? At illa bella optimè finiuntur, si mox ut se impij contra regnum Christi erigunt & priusquam multitudine se muniunt eis itur obuiam & cum complicibus per gladium verbi Dei debellantur. Et si manum dare, impia dogmata reuocare recusant, etiam in corpore occiduntur, vel carceribus perpetuis mancipantur. Melius enim est, ut vnus homo moriatur, quàm per eum tota gens seducatur & pereat in anima & corpore. Sic oportet ignem istum cum paruus est, extingui. Quod si neglectum fuerit tota vorax flamma

Ioan. 11.

Eccî 11.

flamma ciuitatem deuastat. Et hostis contemptus in principio, vallatus postea iniquorum adiutorio, & regem capit vel occidit cum toto exercitu, & occupat regnū. Hæc parabola est temporis instantis. Qui aures audiendi habet audiat. Matt. 23.

Sicut synagoga prophetas ueros, sic Ecclesia Dei audit sanctos doctores. Caput. XVIII,

ERgo sicut synagoga olim audiuit & sequebatur prophetas sanctos, reprobatis pseudoprophetis: sic Ecclesia Dei, filij lucis, regni & obediētiæ, doctores sacros in omnibus, in quibus eos recipit & approbavit ecclesia, recipere, sequi & tenere debent, fascinatoribus abiectis. Hinc Salomon ait: Fili mi, audi uerba sapientū. Et infra: Ne transgrediaris terminos antiquos (ut expositione scripturæ) quos posuerunt patres tui id est sancti doctores. Id ipsum precipit ecclesiastici sexto & octauo capitulis. Et sicut olim pios nihil mouit, quod pseudopropheta falsi scripturas exponebant & eos calumniabatur, qui eam sincerè proponebant, sic nos ne tantillū mouere debet, quod Luderani sanctis doctoribus derogant, & libros eorum pro nihilo habent. Nō possunt Luderani eos diligere, quia testimoniū perhibent de illis, quod doctrina eorū falsa & opera eorū mala sunt & diabolica. Si de fece eorū essent, tūc impij, quod suum est, in eis diligeret. Sed ex quo Deus eos elegit in opus ministerij, in ædificationē corporis sui, ut ueritatē & legem Dei scrutarentur, facerent & docerent: ideo odit eos mundus malignus, totus in maligno positus, & colluies luderana probris eos lacēs. Si sermonē Christi (iuxta uerum eius intellectum) seruant, seruant & sanctorum doctorum. Ioan. 7. 4.
Ioan. 15.
Eph. 4.
1. Ioan. 5.
Ioan. 15.

Proinde: quando doctores catholicos ecclesiæ Dei diffinitionem audimus, tunc audimus Christum per doctores

F - ctōrēs